

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), u vezi sa članom 25. stav 1. Zakona o državnoj službi u Tuzlanskom kantonu („Službene novine Tuzlanskog kantona” broj: 7/17, 10/17, 10/18, 14/18, 8/21, 10/22 i 14/22) i člana 41. Statuta Grada Tuzle („Službeni glasnik Grada Tuzla” broj: 6/21) Gradonačelnik Grada Tuzla, donosi

## **O D L U K U**

### **o raspisivanju javnog konkursa, postupku i utvrđivanju uslova i kriterija za imenovanje direktora Upravne organizacije Zavod za urbanizam Grada Tuzla**

#### **I**

Raspisuje se javni konkurs za imenovanje direktora Upravne organizacije Zavod za urbanizam Grada Tuzla (u daljem tekstu: Zavod).

Imenovanje direktora Zavoda vrši se na period od 5 (pet) godina.

Javni konkurs za imenovanje direktora Zavoda objaviti u „Službenim novinama Federacije BiH“ i u jednom od dnevnih listova, koji izlaze u Bosni i Hercegovini.

Javni konkurs objavljuje Gradonačelnik grada Tuzla, a postupak po javnom konkursu u skladu sa ovom Odlukom provodi posebna Komisija za izbor koju imenuje Gradonačelnik grada Tuzla.

#### **II**

Postupak izbora i konačnog imenovanja direktora Zavoda provodi se shodno odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i Zakona o državnoj službi u Tuzlanskom kantonu („Službene novine Tuzlanskog kantona” broj: 7/17, 10/17, 10/18, 14/18, 8/21, 10/22 i 14/22).

#### **III**

Opis pozicije direktora Zavoda:

- neposredno rukovodi radom upravne organizacije,
- organizuje izvršenje svih poslova i zadataka iz nadležnosti upravne organizacije,
- raspoređuje poslove na državne službenike i namještenike i daje im upute o načinu vršenja tih poslova,
- osigurava i odgovoran je za zakonito i blagovremeno izvršenje poslova i zadataka iz nadležnosti upravne organizacije,
- obavlja poslove identifikacije i procjene rizika koji utječu na poslovne procese iz nadležnosti Upravne organizacije, izvještava i predlaže rješenja u ovoj oblasti,
- organizuje i rukovodi izradom plana rada, te organizuje i koordinira izradu godišnjih operativnih izvještaja o radu Zavoda,
- prisustvuje sjednicama Kolegija Gradonačelnika i Gradskog vijeća u svojstvu obrađivača akata iz nadležnosti upravne organizacije,
- redovno upoznaje Gradonačelnika o stanju i problemima u vezi vršenja poslova iz nadležnosti upravne organizacije i predlaže preduzimanje potrebnih mjera,
- izvršava poslove po nalogu Gradonačelnika,
- odlučuje o pitanjima za koje je ovlašten posebnim rješenjem Gradonačelnika,
- vrši kontrolu korištenja finansijskih, materijalnih i ljudskih potencijala dodijeljenih upravnoj organizaciji,
- organizuje poslove oko izrade općih i pojedinačnih akata iz nadležnosti upravne organizacije,
- organizuje planiranje poslova i izrada programa rada i dinamika izvršenja radnih zadataka,

- organizuje sprovođenje i primjenu zakonskih propisa u oblasti prostornog planiranja, urbanizma, programiranja, projektovanja,
- organizuje izradu razvojnih i detaljnih planova u saradnji sa nosiocem pripreme,
- u saradnji sa nosiocem pripreme koordinira rad planiranja, daje opredjeljenja o dokumentaciji istraživanja kao podlozi za izradu planova, razrješava nastale dileme nakon uključivanje javnosti i revizije dokumentacije,
- uključivanje na izradi programa i plana aktivnosti za pripremu i izradu dokumenata prostornog uređenja,
- obavlja i druge poslove po nalogu Gradonačelnika iz djelokruga rada upravne organizacije.

#### IV

Kandidati za imenovanje na dužnost direktora Zavoda moraju ispunjavati slijedeće opće uslove:

- da su državljani Bosne i Hercegovine,
- da su stariji od 18 godina ali ne stariji od 65 godina,
- da su zdravstveno sposobni za obavljanje posla za koji se kandiduju,
- da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije objavljivanja upražnjene pozicije,
- da se protiv njih ne vodi krivični postupak,
- da nisu osuđivani za krivično djelo ili privredni prijestup, koji predstavlja smetnju za imenovanje na upražnjenu poziciju, u roku od pet godina od dana izdržane, izvršene, zastarjele ili oprostene kazne,
- da im odlukom suda nije zabranjeno imenovanje na dužnost direktora Zavoda,
- da se na njih ne odnosi član IX.1. Ustava Bosne i Hercegovine,
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti Federacije BiH („Službene novine Federacije BiH“ broj: 70/08).

Pored općih uslova, kandidati za direktora Zavoda moraju ispunjavati i slijedeće posebne uslove:

- VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova – arhitektonske struke,
- položen stručni ispit,
- položen stručni ispit u struci,
- najmanje 5 (pet) godina radnog staža u struci nakon završene visoke stručne spreme.

#### V

Komisiju za izbor direktora Zavoda čine:

- predsjednik i četiri člana iz reda državnih službenika gradskih službi i Zavoda.

U slučaju da se članovi komisije ne mogu obezbijediti iz reda državnih službenika Zavoda isti će se imenovati iz reda državnih službenika gradskih službi.

#### VI

Svi kandidati koji ispunjavaju opće i posebne uslove za imenovanje na poziciju direktora Zavoda, pozivaju se na intervju.

Intervju provodi Komisija za izbor putem usmenog odgovora na pitanja iz najmanje 5 (pet) zakonskih i podzakonskih propisa koji se odnose na oblast rada Zavoda.

Spisak propisa utvrđuje Komisija za izbor i isti je za sve kandidate a koji se dostavlja svim kandidatima najkasnije sedam dana prije intervjuja.

Pitanja iz propisa utvrđuje Komisija za izbor neposredno prije početka intervjua i ista su za sve kandidate.

## VII

U toku intervjua vodiće se računa o slijedećem:

- da su svi kandidati upoznati sa standardom ličnog integriteta koje se traže za lica imenovana na javnu poziciju,
- da su pitanja sukoba interesa detaljno objašnjena i razmotrena sa svim kandidatima,
- da su svi kandidati u potpunosti informisani o pravu javnosti i transparentnosti cjelokupnog procesa imenovanja, te da mogu uložiti prigovor protiv konačnog imenovanja.

## VIII

Po osnovu intervjua svaki član Komisije može dati najviše 10 (deset) bodova po kandidatu, a svaki kandidat može dobiti najviše 50 (pedeset) bodova.

Ukupan broj bodova koji dobije pojedini kandidat utvrđuje se na način da se bodovi koje daju pojedini članovi Komisije zbroje i podjele sa brojem članova Komisije.

## IX

Konačna rang lista kandidata za imenovanje direktora Zavoda utvrđuje se na osnovu ukupnog broja bodova ostvaren na intervjuu.

Smatra se da je kandidat koji je prvi na konačnoj rang listi najuspješnije prošao otvorenu konkurenciju.

## X

Nakon okončanja postupka Komisija za izbor dostavlja Gradonačelniku grada Tuzla, kao odgovornom javnom službeniku, konačnu rang listu najuspješnijih kandidata za imenovanje na poziciju direktora Zavoda kao i informaciju o svom radu.

Nakon razmatranja informacije i konačne rang liste, Gradonačelnik Grada Tuzla vrši konačno imenovanje na poziciju direktora Zavoda i osigurava objavljivanje izvršenog imenovanja.

## XI

Na sva ostala pitanja koja nisu obuhvaćena ovom Odlukom primjenjivaće se odredbe Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH" broj: 12/03, 34/03 i 65/13) i Zakona o državnoj službi u Tuzlanskom kantonu ("Službene novine Tuzlanskog kantona" broj: 7/17, 10/17, 10/18, 14/18, 8/21, 10/22 i 14/22).

## XII

Odluka stupa na snagu danom donošenja i objavit će se u „Službenom glasniku Grada Tuzla“.

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**GRADONAČELNIK**  
**Broj: 02/30-A-005207-2023**  
**Tuzla, 27. 3. 2023. godine**

**GRADONAČELNIK**  
**Dr.sc.Zijad Lugavić, dipl.ecc.**

## O b r a z l o ž e n j e

Ovom Odlukom raspisuje se javni oglas, uređuje postupak i utvrđuju uslovi i kriteriji za imenovanje direktora Upravne organizacije Zavod za urbanizam grada Tuzla.

Odredbom člana 9. stav 2. Zakona o državnoj službi u Tuzlanskom kantonu ("Službene novine Tuzlanskog kantona" broj: 7/17, 10/17, 10/18, 14/18, 8/21, 10/22 i 14/22) utvrđeno je da rukovodilac samostalne gradske upravne organizacije (direktor Zavoda za urbanizam) nije državni službenik i da se njegov radno-pravni status uređuje tim zakonom, s tim da se postupak imenovanja provodi u skladu sa Zakonom o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH" broj: 12/03, 34/03 i 65/13) i Zakonom o o državnoj službi u Tuzlanskom kantonu ("Službene novine Tuzlanskog kantona" broj: 7/17, 10/17, 10/18, 14/18, 8/21, 10/22 i 14/22).

Zakonom o državnoj službi u Tuzlanskom kantonu ("Službene novine Tuzlanskog kantona" broj: 7/17, 10/17, 10/18, 14/18, 8/21, 10/22 i 14/22), utvrđeno je da direktora Zavoda za urbanizam imenuje i razrješava Gradonačelnik, putem javnog konkursa koji raspisuje Gradonačelnik, s tim da se imenovanje vrši na period od 5 (pet) godina, a najviše dva puta uzastopno.

S tim u vezi, ovom Odlukom se utvrđuje opis pozicije direktora Zavoda, definišu opći i posebni uslovi za imenovanje na poziciju direktora Zavoda, sastav komisije koja provodi postupak izbora i imenovanja, način provođenja intervjua kao i postupak konačnog imenovanja.

Na osnovu navedenog predlaže se donošenje ove Odluke.

Tuzla, mart/ožujak 2023. godine